

BORXHI I JASHTËM BRUTO

Përmbajtja

Borxhi i jashtëm bruto	1
Borxhi i jashtëm bruto sipas sektorëve	3
Borxhi i jashtëm bruto sipas instrumenteve	4
Tërheqjet dhe shërbimet e borxhit të jashtëm bruto	5
Shënime metodologjike	6

Kryesore:

- Borxhi i Jashtëm Bruto (BJB) u vlerësua në 10,344 milionë euro në fund të marsit 2026.
- Në terma tremujorë, stoku i BJB-së u zgjerua me 69 milionë euro (0.7%), kryesisht si rezultat i transaksioneve neto pozitive.
- Borxhi afatgjatë vijon të dominojë strukturën e detyrimeve të jashtme, duke përfaqësuar rreth 87% të stokut total.
- Rritja e borxhit gjatë T1 2026 u mbështet kryesisht nga zgjerimi i detyrimeve të sektorit privat, ndërsa sektori publik reduktoi detyrimet e jashtme.
- Raporti Borxh i Jashtëm Bruto/PBB vijoi trajektoren rënëse, duke zbritur në 37.4%.

Në fund të muajit Mars 2026, Borxhi i Jashtëm Bruto (BJB) i Shqipërisë u vlerësua në 10,344 milionë euro, duke shënuar një rritje prej 69 milionë euro (0.7%) krahasuar me fundin e vitit 2025.


Rritja e borxhit gjatë tremujorit erdhi kryesisht nga transaksionet neto pozitive, të cilat shtuan rreth 82.4 milionë euro në detyrimet e jashtme. Në të kundërt, efekti i kursit të këmbimit uli stokun me 14.3 milionë euro, ndërsa ndryshimet e tjera, kryesisht riklasifikime statistikore, kontribuan me rreth 0.8 milionë euro.

Borxhi i jashtëm vazhdon të dominohet nga instrumentet afatgjata, që përbëjnë rreth 87% të totalit. Në fund të tremujorit të parë 2026, borxhi afatgjatë ishte 8,952 milionë euro, ose 23 milionë euro më pak se në fund të vitit 2025. Kjo rënie lidhet kryesisht me uljen e huave dhe letrave me vlerë të borxhit të sektorit publik¹, si pasojë e shlyerjeve neto gjatë periudhës dhe rritjen e pjesëmarrjes së bankave rezidente në eurobondin qeveritar. Ndërkohë, sektori privat shënoi një rritje të moderuar të detyrimeve afatgjata, kryesisht në kategorinë monedha dhe depozita të korporatave depozituese.

Borxhi afatshkurtër u rrit me 92 milionë euro dhe arriti në 1,392 milionë euro në fund të marsit 2026. Kjo rritje u ndikua kryesisht nga zgjerimi i detyrimeve në formën e kredive tregtare dhe paradhënieve të Sektorëve të Tjerë, si edhe nga rritja e detyrimeve në monedha dhe depozita të Korporatave Depozituese.

Detyrimet e Autoritetit Monetar, të përfaqësuara tërësisht nga alokimet e SDR²-ve të Fondit Monetar Ndërkombëtar, u zgjeruan me rreth 3 milionë euro gjatë periudhës, kryesisht si rezultat i lëvizjeve të kursit të këmbimit.

Në fund të marsit 2026, raporti i Borxhit të Jashtëm Bruto ndaj Prodhimit të Brendshëm Bruto u vlerësua në 37.4%, nga 37.9% në fund të vitit 2025 dhe 41.9% një vit më parë.



Grafik 1: Borxhi i Jashtëm Bruto

Milionë EUR	31 mars 2025	30 qershor 2025	30 shtator 2025	31 dhjetor 2025	31 mars 2026
Borxhi i jashtëm afatgjatë	9,417	9,248	9,083	8,975	8,952
Borxhi publik	5,299	5,129	4,928	4,764	4,685
Borxhi privat	3,896	3,907	3,944	4,000	4,053
Borxhi i bankës qendrore, nga të cilat	223	212	211	211	214
Alokimet SDR nga FMN	223	212	211	211	214
Borxhi i jashtëm afatshkurtër	1,286	1,318	1,289	1,300	1,392
Borxhi i jashtëm bruto	10,704	10,566	10,372	10,275	10,344

Tabela 1: Borxhi i Jashtëm Bruto

1. Borxhi i jashtëm publik përfshin huamarrjen me jashtë drejtpërdrejt nga Ministria e Financave dhe Ekonomisë (MFE) dhe qeveritë lokale, huamarrjen me jashtë të garantuar nga MFE dhe qeveritë lokale, në përputhje me legjislacionin mbi borxhin publik, duke përfshirë huatë e marra nga MFE në përputhje me marreveshjen e FMN-së, si dhe letrat me vlerë të qeverisë të blera nga jorezidentët - të llogaritur me vlerën nominale.

2. Alokimi i SDR është një mënyrë për të plotësuar rezervat valutore të vendeve anëtare të Fondit, duke i lejuar anëtarët të zvogëlojnë varësinë e tyre në borxhin e brendshëm ose të jashtëm për ndërtimin e rezervave. Shqipëria ka përfituar nga alokimi i SDR nga viti 2009.

Euro mbetet monedha kryesore e emërtimit të detyrimeve të jashtme të Shqipërisë, duke përfaqësuar rreth 73% të stokut total të borxhit. Ajo ndiqet nga dollari amerikan me rreth 9% dhe SDR-të me rreth 5%.

	Borxhi jashtëm	
	Milionë EUR	%
EUR	7,597	73%
USD	888	9%
SDR	515	5%
CAD	123	1%
JPY	32	0%
Të tjera	1,190	12%
Totali	10,344	100%

Tabela 2: Kompozimi sipas monedhave i borxhit të jashtëm bruto, në 31 mars 2026

Sipas llojit të kreditorëve, kreditorët publikë mbajnë pjesën më të madhe të borxhit afatgjatë, me rreth 38% të totalit. Bankat rezidente zotërojnë rreth 16% të këtij borxhi përmes investimeve në eurobondin qeveritar, ndërsa kreditorët privatë mbajnë rreth 12%. Detyrimet afatgjata ndërmjet kompanive të lidhura në kuadër të investimeve direkte përbëjnë rreth 16% të borxhit të jashtëm total dhe arrijnë në 1,423 milionë euro në fund të periudhës.

Borxhi i jashtëm i Shqipërisë mbetet i përqendruar në euro (73%) dhe në maturitete mbi pesë vjet (73% e borxhit afatgjatë)

	31 mars 2025		31 dhjetor 2025		31 mars 2026	
	Milionë EUR	%	Milionë EUR	%	Milionë EUR	%
Hua nga institucionet financiare ndërkombëtare	3,418	36%	3,433	38%	3,408	38%
Investimet e portofolit të bankave private dhe të qeverisë	1,790	19%	1,439	16%	1,397	16%
Hua nga banka private dhe institucione të tjera financiare	1,366	15%	1,130	13%	1,109	12%
Të tjera	2,844	30%	2,973	33%	3,038	34%
Borxhi i jashtëm afatgjatë	9,417	100%	8,975	100%	8,952	100%

Tabela 3: Borxhi i jashtëm afatgjatë sipas kreditorëve

Struktura sipas maturitetit vazhdon të dominohet nga detyrimet me afat mbi pesë vjet. Borxhi privat është i përqendruar kryesisht në maturitetin 1–5 vjet, ndërsa borxhi publik mbetet mbizotërues në segmentin me maturitet mbi pesë vjet.

	31 mars 2025		31 dhjetor 2025		31 mars 2026	
	Milionë EUR	%	Milionë EUR	%	Milionë EUR	%
1-5 vjet	2,252	24%	2,370	26%	2,408	27%
Borxhi publik						
Borxhi privat	2,252	24%	2,370	26%	2,408	27%
me shume se 5 vjet	7,165	76%	6,605	74%	6,544	73%
Borxhi publik	5,522	59%	4,975	55%	4,899	55%
Borxhi privat	1,644	17%	1,630	18%	1,645	18%
Borxhi i jashtëm afatgjatë	9,417	100%	8,975	100%	8,952	100%

Tabela 4: Borxhi i jashtëm afatgjatë sipas maturitetit



BORXHI I JASHTËM BRUTO SIPAS SEKTORËVE INSTITUCIONALË

Qeveria e Përgjithshme mbetet sektori me peshën më të lartë në borxhin e jashtëm të Shqipërisë, duke përfaqësuar 43.3% të stokut total në fund të marsit 2026. Pjesa e mbetur shpërndahet ndërmjet Sektorëve të Tjerë (31.1%), Korporatave Depozituese (23.5%) dhe Autoritetit Monetar (2.1%).

Detyrimet e jashtme të Qeverisë së Përgjithshme u vlerësuan në 4,481 milionë euro dhe përbëhen tërësisht nga instrumente afatgjata, kryesisht *hua* dhe *letra me vlerë të borxhit*. Krahasuar me fundin e vitit 2025, stoku i borxhit të këtij sektori u reduktua me rreth 71 milionë euro, si rezultat i uljes së detyrimeve si në formën e obligacioneve (- 42.5 milionë euro), ashtu edhe në formën e huave afatgjata (-28.3 milionë euro).

Huatë e Qeverisë së Përgjithshme përfaqësohen nga huatë e tërhequra pas viteve '90 dhe ato të riskeduluara, të cilat vazhdojnë të jenë të negociueshme midis palëve. Në fund të periudhës, huatë e riskeduluara kanë rënë nën 0.1% të stokut të huave afatgjata të këtij sektori.

Detyrimet e Autoritetit Monetar u vlerësuan në 214 milionë euro dhe përfaqësohen tërësisht nga alokimet e SDR-ve të FMN-së. Krahasuar me fundin e vitit 2025, stoku i tyre u rrit me rreth 3 milionë euro, kryesisht për efekt të lëvizjeve të kursit të këmbimit.

Borxhi i jashtëm bruto i Korporatave Depozituese arriti në 2,433 milionë euro, duke u rritur me rreth 44 milionë euro krahasuar me fundin e vitit 2025. Pjesa më e madhe e detyrimeve të këtij sektori përfaqësohet nga instrumenti *monedha dhe depozita*, i cili zë rreth 69% të stokut total.

Borxhi i jashtëm i Sektorëve të Tjerë u vlerësua në 3,216 milionë euro në fund të marsit 2026, duke u zgjeruar me rreth 93 milionë euro krahasuar me fundin e vitit 2025. Rritja reflekton kryesisht zgjerimin e detyrimeve në formën e *kredive tregtare dhe paradhënieve* (+72 milionë euro), rritjen e *huave ndërkompani* në kuadër të investimeve direkte (+19 milionë euro), si dhe rritjen e moderuar të *huave të tjera* (+1 milion euro).

Sektorët e Tjerë regjistruan zgjerimin më të madh të borxhit të jashtëm gjatë T1 2026, kryesisht si rezultat i rritjes së kredive tregtare dhe huave ndërkompani

	31 mars 2025		31 dhjetor 2025		31 mars 2026	
	Milionë EUR	%	Milionë EUR	%	Milionë EUR	%
Qeveria e përgjithshme	5,105	54%	4,552	51%	4,481	50%
Autoriteti monetar	223	2%	211	2%	214	2%
Korporata depozituese përjashtuar bankën qendrore	1,731	18%	1,913	21%	1,941	22%
Sektorë të tjerë, nga të cilat	2,358	25%	2,299	26%	2,316	26%
Korporata jo financiare	688	7%	696	8%	690	0%
Korporata jo financiare në marrdhënie investimi direkt	1,419	15%	1,408	16%	1,423	16%
Borxhi i jashtëm afatgjatë	9,417	100%	8,975	100%	8,952	100%

Tabela 5: Borxhi i jashtëm afatgjatë sipas sektorëve institucionalë

	31 mars 2025		31 dhjetor 2025		31 mars 2026	
	Milionë EUR	%	Milionë EUR	%	Milionë EUR	%
Qeveria e përgjithshme						
Autoriteti monetar						
Korporata depozituese përjashtuar bankën qendrore	428	33%	477	37%	492	35%
Sektorë të tjerë, nga të cilat	859	67%	824	63%	900	65%
Korporata jo financiare	629	49%	602	46%	674	48%
Korporata jo financiare në marrdhënie investimi direkt	222	17%	218	17%	223	16%
Borxhi i jashtëm afatshkurtër	1,286	100%	1,300	100%	1,392	100%

Tabela 6: Borxhi i jashtëm afatshkurtër sipas sektorëve institucionalë



BORXHI I JASHTËM BRUTO SIPAS INSTRUMENTAVE

Struktura e borxhit afatgjatë sipas instrumenteve (Tabela 7) tregon një reduktim të detyremeve në formën e *letrave me vlerë të borxhit* dhe të *huave gjatë tremujorit të parë* 2026. Megjithatë, huatë vijojnë të mbeten burimi kryesor i financimit afatgjatë nga jashtë, duke përfaqësuar rreth 45% të stokut të borxhit afatgjatë.

Në segmentin afatshkurtër, instrumentet *kredi tregtare dhe paradhënie* dhe *monedha dhe depozita* dominojnë strukturën e borxhit, duke përfaqësuar përkatësisht 48% dhe 32% të stokut total afatshkurtër.

	31 mars 2025		31 dhjetor 2025		31 mars 2026	
	Milionë EUR	%	Milionë EUR	%	Milionë EUR	%
Investim e direkte	1,419	15%	1,408	16%	1,423	16%
Hua	4,216	45%	4,037	45%	4,018	45%
Kredi tregtare dhe paradhënie						
Monedha dhe depozita	1,546	16%	1,658	18%	1,677	19%
Letrat me vlerë të borxhit	2,014	21%	1,661	19%	1,619	18%
Alokimi i SDR	223	2%	211	2%	214	2%
Llogari të tjera të pagueshme	0	0%	0	0%	0	0%
Borxhi i jashtëm afatgjatë	9,417	100%	8,975	100%	8,952	100%

Tabela 7: Borxhi i jashtëm afatgjatë sipas instrumenteve

	31 mars 2025		31 dhjetor 2025		31 mars 2026	
	Milionë EUR	%	Milionë EUR	%	Milionë EUR	%
Investim e direkte	222	17%	218	17%	223	16%
Hua	12	1%	30	2%	29	2%
Kredi tregtare dhe paradhënie	629	49%	602	46%	674	48%
Monedha dhe depozita	404	31%	434	33%	451	32%
Letrat me vlerë të borxhit						
Alokimi i SDR						
Llogari të tjera të pagueshme	20	2%	15	1%	16	1%
Borxhi i jashtëm afatshkurtër	1,286	100%	1,300	100%	1,392	100%

Tabela 8: Borxhi i jashtëm afatshkurtër sipas instrumenteve

Huatë mbeten instrumenti kryesor i financimit afatgjatë, ndërsa kreditë tregtare dhe paradhëniet ishin kontribuesi kryesor në rritjen e borxhit afatshkurtër gjatë T1 2026



TERHEQJET DHE SHËRBIMI I BORXHIT TË JASHTËM BRUTO

Gjatë tremujorit të parë 2026, tërheqjet e reja të borxhit të jashtëm arritën në 148 milionë euro, nga të cilat rreth 125 milionë euro u realizuan nga sektori privat.


Shërbimi i borxhit të jashtëm, i përbërë nga pagesat e principalit dhe interesit, u vlerësua në 215 milionë euro. Si rezultat, ekonomia shqiptare rezultoi neto paguese ndaj kreditorëve të huaj gjatë periudhës, pasi pagesat e borxhit tejkaluan flukset e reja të financimit.

Rreth 87% e shërbimit të borxhit lidhej me shlyerjen e principalit, ndërsa 13% me pagesat e interesit.

Sipas sektorëve institucionalë, pagesat më të mëdha u kryen nga Qeveria e Përgjithshme (115 milionë euro), e ndjekur nga Korporatat Depozituese (73 milionë euro) dhe Sektorët e Tjerë (27 milionë euro).

	Milionë Euro			
	T2 2025	T3 2025	T4 2025	T1 2026
1. Sektori publik				
Tërheqje	52.0	102.3	222.3	23.6
Pagesa principal	113.4	276.4	87.8	93.2
Pagesa interesi	23.9	26.2	21.4	22.1
2. Sektori privat				
Tërheqje	98.9	45.2	103.4	124.6
Pagesa principal	41.4	111.0	55.8	93.4
Pagesa interesi	7.7	10.0	4.4	6.8
Ekonomia				
Tërheqje	150.9	147.6	325.7	148.2
Pagesa principal	154.8	387.3	143.7	186.6
Pagesa interesi	31.6	36.1	25.9	28.8

Tabela 9: Tërheqjet dhe shërbimi i borxhit nga sektori publik dhe sektori privat



Grafik 2: Shërbimi i borxhit të jashtëm bruto ndaj eksportit të mallrave dhe shërbimeve

Ekonomia shqiptare rezultoi neto paguese ndaj kreditorëve të huaj gjatë T1 2026, pasi shërbimi i borxhit tejkaloi tërheqjet e reja të financimit



SHËNIME SHPJEGUESE

<p>Hyrje</p>	<p>Të dhënat e paraqitura i përkasin stokut të fundit të periudhës të detyrimeve të huaja financiare të ekonomisë shqiptare. Të dhënat janë kompiluar në bazë bruto: d.m.th ato nuk iu përkasin zotërimeve të rezidentëve të Shqipërisë në mjete të huaja, gjë që është thelbësore. Ashtu si statistikave të Bilancit të Pagesave dhe Pozicionit të Investimeve Ndërkombëtare dhe statistikave të Borxhit të Jashtëm bëjnë dallimin ndërmjet investimeve direkte, investimeve të portofolit dhe investimeve të tjera dhe përsërisin në një detajim më të gjërë anën e detyrimeve të paraqitjes vjetore të PIN-t. Si e tillë, tabela e Borxhit të Jashtëm identifikon atë element të bilancit të agreguar të Shqipërisë që tregon detyrimet financiare bruto (detyrimet) të rezidentëve të Shqipërisë ndaj jo-rezidentëve me përjashtim të titujve të kapitalit dhe derivativëve. Shifrat prezantohen në mënyrë që të kenë qëndrueshmëri me formatet e prezantimit ndërkombëtar. Informacioni është bërë i disponueshëm për Fondin Monetar Ndërkombëtar dhe Bankën Botërore (https://data.worldbank.org/country/albania).</p>
<p>Standarte Statistike Ndërkombëtare</p>	<p>Statistikat e Borxhit të Jashtëm janë kompiluar në përputhje me standardet ndërkombëtare, të përshkruara në “Manuali i Statistikave të Bilancit të Pagesave dhe Pozicionit të Investimeve Ndërkombëtare, Edicioni i Gjashtë” (FMN) dhe me udhëzuesin për kompilues e përdorues “Statistikat e Borxhit të Jashtëm” (FMN). Ndjekja e këtyre standardeve siguron pajtueshmëri të të dhënave nga njëra anë dhe nga ana tjetër, konsistencë midis statistikave të borxhit e atyre të bilancit të pagesave dhe pozicionit të investimeve ndërkombëtare. Të dhënat mbi borxhin e jashtëm bruto janë një burim i rëndësishëm informacioni për zëra të caktuar të këtyre statistikave (shiko më poshtë përkufizimin e <i>borxhit të jashtëm</i>).</p>
<p>Përkufizimi i Borxhit të Jashtëm</p>	<p>Guida e Borxhit të Jashtëm të FMN-së e përkufizon borxhin e jashtëm si një pikë në kohë në pasqyrën financiare të vlerës dhe përbërjes së stokut të detyrimeve financiare bruto të një ekonomie ndaj pjesës tjetër të botës. Detyrimet të cilave ju referohemi mbulojnë kreditë e marra nga jo-rezidentët, llogaritë dhe depozitat e jorezidentëve, kreditë tregtare që duhet tu paguajmë jo-rezidentëve si dhe detyrime të tjera ndaj tyre. Në thelb, borxhi i jashtëm iu referohet detyrimeve financiare ndaj jorezidentëve dhe jo atyre që rezultojnë nga transaksionet në kapital ose nga kontratat e derivativëve financiarë.</p>
<p>Rezidenca</p>	<p>Termi <i>rezident</i> iu dedikohet (a) individëve, përfshirë dhe atyre me kombësi të huaj, që jetojnë në Shqipëri për të paktën një vit ashtu si edhe stafit të ambasadës shqiptare dhe stafit ushtarak të vendosur jashtë, (b) trupave qeveritare shqiptare të vendosura jashtë (ambasadave, konsullatave, etj), dhe (c) korporatave që kanë në Shqipëri qendrën e interesit ekonomik, përfshirë dhe degët e kompanive të huaja të regjistruara. Gjithashtu përfshihen edhe sipërmarrjet me pronësi të huaj të vendosura në Shqipëri dhe të angazhuara në aktivitete të shërbimeve financiare të tregtuara në arenën ndërkombëtare.</p> <p><i>Jorezidentë</i> të një ekonomie përkufizohen njësitë institucionale që nuk janë rezidentë të asaj ekonomie.</p>
<p>Tipet e Instrumentave Financiarë të Rëndësishëm për Borxhin e Jashtëm</p>	<p><i>Kapitali</i>: ndërkohë që, detyrimet e lindura nga pjesëmarrja me fuqi votuese në kapital (përfshirë këtu detyrimet që lindin nga emetimi i pjesëmarrjeve në institucione kolektive investimi) përjashtohen nga statistikave të borxhit të jashtëm, detyrimet që lindin si pasojë e emetimit të aksioneve preferenciale jo-pjesëmarrëse përfshihen dhe trajtohen si tituj borxhi nën zërin (afatgjatë) <i>obligacione dhe tituj</i>.</p> <p><i>Obligacionet dhe titujt</i> e emetuar nga kompanitë ose qeveria janë tituj borxhi të tregtueshëm që kanë një maturitet fillestar prej më shumë se një vit, i cili, zakonisht, i jep mbajtësit (i) të drejtën e pakushtëzuar të një e ardhur monetare fikse ose të një e ardhur variable të përcaktuar kontraktualisht dhe (ii) të drejtën e pakushtëzuar të një shumë fikse në pagesat e principalit në një datë ose data specifike.</p> <p><i>Instrumentet e tregut të parasë</i> janë tituj borxhi të emetuar me një maturitet fillestar prej një viti ose më pak. Ata i japin mbajtësit të drejtën e pakushtëzuar për të marrë një shumë parash të deklaruar dhe fikse në një datë specifike. Këta instrumenta janë, përgjithësisht të tregtueshëm me skonto në tregje të organizuara. Skontoja është e varur nga norma e interesit të instrumentit të lidhur me normën e interesit të tregut dhe kohën e mbetur deri në maturim. Shembuj të instrumenteve të tillë janë: bonot e thesarit, letrat tregtare dhe financiare dhe pranimet bankare.</p>

	<p><i>Kreditë tregtare</i> (të pagueshme) janë detyrime që lindin nga zgjerimi direkt i kredisë i lidhur me transaksione në mallra dhe shërbime dhe pagesa në avancë për punën në progres (ose që duhet ndërmarrë).</p> <p><i>Huatë/monedhat dhe depozitat</i> përfshijnë huatë, depozitat dhe monedhat (si p.sh, kart-monedhat dhe monedhat që janë në qarkullim dhe të përdorura gjerësisht për të kryer pagesa). Të përfshira janë huatë për të financuar tregtinë, hua të tjera dhe paradhënie (përfshirë dhe kredinë për shtëpi) ashtu si dhe lizingu financiar.</p> <p>Stoku i detyrimeve i gjithë instrumenteve të tjerë financiarë (ndryshe nga kapitale jo-pjesëmarrëse - pa fuqi votuese, tituj të borxhit, kredi tregtare, hua, monedha dhe depozitave), të tillë si kapitali i nënshkruar për pjesëmarrje nga Shtete Anëtare në organizatat ndërkombëtare jo-monetare, ndryshimet në rezervat teknike të sigurimit, kompensimet për sa iu përket transaksioneve të titujve të papaguar, përfshihen në <i>detyrime të tjera</i> brenda borxhit të jashtëm.</p>
<p>Mbledhja e të dhënave</p>	<p>Burim informacioni për statistikën e Borxhit të Jashtëm janë: Banka e Shqipërisë, Ministria e Financave, Organizata e Institucione të tjera Ndërkombëtare si dhe sistemi bankat pjesë e Sistemit të Unifikuar të Raportimit në Bankën e Shqipërisë.</p>
<p>Vlerësimi</p>	<p>Stoku i detyrimeve është regjistruar në vlerë nominale dhe jo në vlerë tregu dhe Borxhi i Jashtëm Bruto i Shqipërisë është compiluar në lekë dhe raportuar në euro. Për stokun e detyrimeve në monedha të tjera, konvertimi bëhet me kursin zyrtar të këmbimit të datës së fundit të periudhës së raportimit. Efekti i ndryshimit të kurseve të këmbimit është përfshirë në vlerësimin e stokut të detyrimeve. Instrumentet përkatës përfshijnë dhe interesat e përlogaritur në vlerën e stokut të tyre.</p>
<p>Paraqitja e tabelës</p>	<p>Paraqitja e të dhënave të borxhit të jashtëm së pari dallon sektorët institucionalë:</p> <p><i>Qeveria e Përgjithshme</i> – mbulon qeverinë qendrore</p> <p><i>Autoriteti Monetar</i> – është Banka Qendrore e Shqipërisë</p> <p><i>Korporatat depozituese me përjashtim të Bankës Qendrore</i> – janë bankat e licensuara</p> <p><i>Sektorët e Tjerë</i> – janë të gjitha korporatat e tjera dhe si dhe ekonomitë familjare. Të përfshira këtu janë: kompanitë e sigurimeve dhe fondet e pensionit, fondet e investimit, shoqëritë e kursim kreditit, tregtarët e titujve, ashtu si dhe kompanitë e shërbimeve jo-financiare dhe të prodhimit dhe sipërmarrje të tjera industriale.</p> <p>Kategoria e <i>investimeve direkte</i> dallohet, gjithashtu, në këtë nivel. <i>Investimi direkt</i> është një kategori e investimit ndërkombëtar që, bazuar në një pronësi kapitali në të paktën 10%, reflekton një interes të qëndrueshëm të një rezidenti në një ekonomi (investitori direkt) në një sipërmarrje rezidente në një ekonomi tjetër (kompania e investimit direkt). <i>Detyrimet e borxhit ndaj sipërmarrjeve të lidhura dhe detyrimet e borxhit ndaj investitoreve direkte</i> mbulojnë të gjitha detyrimet e borxhit (siç janë përcaktuar më sipër) të kompanive rezidente ndaj mëmave të tyre të huaja, degëve ose sipërmarrjeve të tjera të lidhura jashtë.</p> <p>Brenda sektorëve klasifikimet jepen sipas:</p> <p><i>maturitetit - afat-shkurtër</i>: në rastet e një maturimi origjinal një vit ose më pak;</p> <p><i>afat-gjatë</i>: për një maturim origjinal më shumë se një vit; dhe sipas,</p> <p><i>instrumentit financiar</i>: monedha dhe depozita, <i>tituj borxhi, kredi tregtare (të pagueshme), detyrime të tjera borxhi dhe alokimet në SDR.</i></p>

**DEPARTAMENTI I
STATISTIKAVE
FINANCIARE**

Selia Qendrore Nr.2 e Bankës së
Shqipërisë, Bulevardi "Dëshmorët e
Kombit", Nr.3, Tiranë

Tel: + 355 4 241 93 01
+ 355 4 241 93 02
+ 355 4 241 93 03
+ 355 4 241 94 09
+ 355 4 241 94 10
+ 355 4 241 94 11

Fax: + 355 4 241 94 08
Email: statistics@bankofalbania.org



Shënime:

Banka e Shqipërisë rezervon të drejtën për të bërë rishikimin e statistikave të publikuara. Në rastin e rishikimeve që sjellin ndryshime të treguesve, Banka e Shqipërisë njihë përdoruesit me faktorët e rishikimit dhe ndikimin përkatës.

Gjatë periudhës kanë ndodhur ndryshime në stokun e borxhit të jashtëm bruto.

Për më shumë informacion referojuni të dhënave në linkun:

*[https://www.bankofalbania.org/Statistikat/Statistikat_e_Sektorit_te_Jashtem/
Borxhi_i_Jashtem_Bruto/Borxhi_i_Jashtem_Bruto.html](https://www.bankofalbania.org/Statistikat/Statistikat_e_Sektorit_te_Jashtem/Borxhi_i_Jashtem_Bruto/Borxhi_i_Jashtem_Bruto.html)*